

佛說聖佛母小字般若波羅蜜多經

西天中印度惹爛馱羅國密林寺三藏賜紫沙門臣天息災奉 詔譯

如是我聞：一時世尊在王舍城鷲峯山中，與大比丘眾千二百五十人俱，并諸百千俱胝那庾多菩薩，復有百千俱胝那庾多梵王、帝釋、護世，諸大眾等，恭敬圍遶。爾時，世尊於吉祥寶藏師子座上結跏趺坐。是時聖觀自在菩薩摩訶薩即從座起，偏袒右肩，右膝著地，瞻仰世尊，目不暫捨，合掌恭敬，歡喜踊躍，頭面禮足而白佛言：世尊！唯願世尊為我說是小字般若波羅蜜多經，令諸眾生得聞是法，獲大福德，一切業障決定消除，當來速獲無上菩提。若有眾生發至誠心，受持讀誦此真言，隨所願求，決定成就，無諸魔難。

爾時世尊告聖觀自在菩薩摩訶薩言：善哉！善說是言。善哉！善哉！善男子！汝能如是至心為諸眾生令得安樂長壽故，問於如來如是法要。善男子！汝今至心，聽我說是小字般若波羅蜜多經。若諸眾生聞說是法，獲大福德，一切業障皆悉消除，決定速證無上正等菩提。若有眾生發心受持此真言者，無諸魔事，一切諸願皆得成就。

爾時聖觀自在菩薩摩訶薩即白佛言：世尊！速說此小字般若波羅蜜多經，令諸眾生獲得安樂。

爾時世尊即入三摩地，名解脫一切眾生。從定出已，眉間白毫相放百千俱胝那庾多光明，此大光明普照一切諸佛刹土，所有無量眾生蒙光照已，皆得決定速證阿耨多羅三藐三菩提；所有地獄一切眾生皆獲安樂；爾時諸佛刹土六種震動，諸天雨上妙栴檀、沈水、細末之香，以供養諸佛。

爾時世尊說此般若波羅蜜多經時，所有一切菩薩摩訶薩各各發起平等之心，發起慈愍心，發起憶念利他心，發起遠離一切罪障心，發起種種利益之心，發起般若波羅蜜多心。是時，世尊告聖觀自在菩薩摩訶薩曰：汝等諦聽，我今為汝說是聖佛母小字般若波羅蜜多真言：

曩莫舍(引)吉也(二合)母曩曳(引)怛他(引)誡哆(引)也(引)羅訶(二合)帝(引)三藐三沒馱(引)也怛地也(二合)他(引)母儂母儂摩賀(引)母曩曳(引)娑嚩(二合引)賀(引)

Namaḥ śākyamunaye tathāgatāya arhate samyak-saṃbuddhāya.
Tadyathā, muni muni mahā-munaye svāhā.

佛告聖觀自在菩薩摩訶薩：此聖佛母小字般若波羅蜜多真言，一切諸佛由是得阿耨多羅三藐三菩提，我亦由是小字般若波羅蜜多真言故得成無上正等菩提。往昔

有佛，亦名釋迦牟尼如來，我於彼佛所聞說是法，彼佛說言：如三世一切諸佛，由斯法故方得成佛。

佛復告聖觀自在菩薩摩訶薩言：我今為汝授其記別，汝於人間未來世中得成佛道，號普放光明吉祥寶峯王如來應正等覺。汝得聽聞如是妙法，應當受持讀誦，若自書寫，若教人書，思惟解了，復能為一切眾生廣說其義，令彼書寫是經，於己舍宅受持讀誦，於未來世速成無上正等菩提，是時一切如來當記彼等。我今為汝復說般若波羅蜜多陀羅尼曰：

怛地也(二合)他(引)唵(引)惹野惹野鉢囉(二合)惹壤(二合引)嚩婆(引)細(引)薩(引)囉薩(引)囉帝(引)尾囉底尾摩底尾囉濟(引)迦(引)囉(引)迦(引)囉(引)薩囉嚩(二合)禰(引)嚩哆(引)布(引)尔帝(引)沒馱滿多嚕(引)捺婆(二合引)嚩呢(引)婆誡嚩帝(引)薩囉嚩(二合引)商(引)麼麼薩囉嚩(二合)薩怛嚩(二合引)喃(引)遮鉢唎布(引)囉曳(引)薩囉嚩(二合)迦囉麼(二合引)嚩囉拏(引)爾尾戍(引)馱耶尾戍(引)馱耶薩嚩沒馱(引)地瑟姪(二合引)呢(引)娑嚩(二合引)賀(引)

Tadyathā, oṃ, jaya jaya prajñā-avabhāse, sāra sārāte vi-rati vi-mati vi-raje, kārā kārā sarva devatā pūjitaye, buddham-antarod-bhāvane, bhagavate sarva āśāṃ mama sarva sattvānāṃ ca pari-pūraye, sarva karma-āvaraṇāni vi-śodhaya vi-śodhaya sarva buddha adhiṣṭhāne svāhā.

佛告聖觀自在菩薩摩訶薩：此勝妙法般若波羅蜜多陀羅尼，是出生一切諸佛菩薩之母，若有眾生暫聞是法，所作罪障悉皆消滅。此法，一切諸佛及眾菩薩經百俱胝劫說其功德不能得盡。若能受持讀誦此陀羅尼者，便同入一切漫拏擲中得受灌頂，又如受持一切真言，皆獲成就。

是時，聖觀自在菩薩白佛言：世尊！何故復說此般若波羅蜜多陀羅尼？

世尊告言：我為愍念一切少善根懈怠眾生故，方便說此般若波羅蜜多陀羅尼，令彼等受持讀誦，若自書寫，若教他書，此等一切眾生，速疾證得無上菩提。

如是！如是！世尊善說此般若波羅蜜多陀羅尼。

爾時，聖觀自在菩薩摩訶薩復白佛言：世尊！此法實未曾有。世尊！此法實未曾有。世尊大慈，為欲救度一切少善根懈怠眾生，令得利益安樂故說斯妙法。爾時世尊說此經已，諸大聲聞并諸菩薩摩訶薩，一切世間天、人、阿蘇囉、彥達嚩等，聞佛所說，皆大歡喜，信受奉行，作禮而退。

佛說聖佛母小字般若波羅蜜多經

【經文資訊】大正新脩大藏經第 08 冊 No. 0258 佛說聖佛母小字般若波羅蜜多經

【版本記錄】CBETA 電子佛典 Rev. 1.17 (Big5), 完成日期: 2007/12/14

【編輯說明】本資料庫由中華電子佛典協會 (CBETA) 依大正新脩大藏經所編輯

【原始資料】維習安大德提供之高麗藏 CD 經文, CBETA 自行掃瞄辨識, CBETA 提供新式標點, 其他

【其他事項】本資料庫可自由免費流通, 詳細內容請參閱【中華電子佛典協會版權宣告】

公元二零一三年五月三十日馬來西亞萬撓佛教會蔡文端居士修訂及修正。

咒語於公元二零一四年三月七日再修正。